



Շուշանիկ Կուրդինյան

Նամակ Ավետիք Իսահակյանին

11 նոյեմբերի, 1907 թ .

Ռոստով-Դոն

Հարգելի կոլեգա պ . Ավետիք .

Ուղարկում եմ երկու կտոր գրվածք և գիրքս . առ այժմ բավականացեք դրանցով:
Սաստիկ զբաղված եմ, հետո կուղարկեմ այլ տեսակներից՝ իմ մեջ կատարվող
նոր հոսանքից . . .

Գիրքս՝ չեղավ այն, ինչ-որ կուգեի: «Նոր կյանքի» փակվելու պատճառով ինձ
օգնողները կապույտ քեռիների մոտ հյուր գնացին, ամբողջ գործը մնաց անտեր,
անտիրական, որու գրաշարների ձեռքում: Ինչպես գիտեք, ես էլ զբաղված եմ
պաշտոնով ամբողջ օրը . . . Մոտ հարյուր օրինակ էլ հոգուն հանգուցելոց եղավ
դեռ չստացած: Մի խոսքով սոցիալիզացիայի հանդիպեց:

Բարևեցեք իմ կողմից պ. Հովհ. Թումանյանին: Ես նրա հետ ծանոթացել եմ
Աղեքսանդրապոլում իմ առաջին ցենզորի (Հովհ. Կոստանյան) միջոցով և մինչև
այժմ հիշում եմ:

Շատ բան ունեմ գրելու, մնա մյուս անգամ: Ահագին գործ կա առաջիս:
«Բանվորուհի» երկիս համար նամակներ ստացա . ինչպես շուտ է զգացվում
մոտիկ ցավը . . .

Ընդունեցեք բարևներս՝

Շ. Կուրդինյան

Հ. Գ. Իգուր ծրարիս վրայի հասցեով չեն ուղարկում թերթը, այդպես շատ ուշ են ստանում: Հայտարարությունը փոխելով դնել տվեք և գրքիս վրայի հասցեն:

նույն: